

太平寰宇記

第十九册

太平寰宇記

卷之九

太平寰宇記卷之七十二

劍南西道一

益州

益州

蜀郡今理成都華陽二縣

禹貢岷嶓旣藝沱潛旣道蔡蒙旅

平和夷底績岷山導江東別爲沱岷山今在州界

蒙山在雅州界江水在州南口口縣界沱水在州

西南唐隆縣界阜里江是也古梁州巴濮庸蜀之

地在秦則漢中巴蜀三郡此其境也虞舜三州亦

爲梁州之域周官職方氏以梁州合于雍州則爲

雍州之地蜀於姬周以前南夷地也尙書牧誓云

及庸蜀羌髳微盧彭濮人孔安國注云八國皆蠻夷戎狄國名羌在西蜀叟髳微在巴蜀漢書地理志巴蜀廣漢本南夷周末秦并以爲郡按世本山海經揚雄蜀王本記來敏本蜀論華陽國志十三州志諸言蜀事者雖不悉同參伍其說皆言蜀之先肇于人皇之際至黃帝子昌意娶蜀山氏女生帝嚳後封其支庶于蜀歷夏商周始稱王者總自名蠶叢次曰柏灌次曰魚鼈其後有王曰杜宇宇稱帝號望帝自以功德高諸王乃以褒斜爲前門熊耳靈關爲後戶玉壘峩眉爲城郭江潛綿洛爲

池澤以汶山爲畜牧南中爲園苑時有荆人鰲洽死其尸隨水上荆人求之不得鰲洽至汶山下忽復生見望帝帝立以爲相時巫山壅江蜀地洪水望帝使鰲洽鑿巫山蜀得陸處望帝自以德不如相因禪位于鰲洽號開明遂自亡去化爲子鷓鴣鳥故蜀人聞子鷓鴣鳴曰是我望帝也鰲洽或爲鰲靈子鷓鴣爲子鷓或云杜宇死子規鳴自開明下五葉有開明帝始立宗廟時天生五丁力士能徙山蜀王負力不爲戰備每一王死五丁輒爲立大石長三丈重千鈞以爲墓誌今石笋里未有謚號但以

五行色爲王故其廟稱青赤黑黃白之帝史記秦
惠王元年蜀人來朝後八年伐蜀滅之初苴蜀相
攻擊各來告急于秦秦惠王欲先伐韓司馬錯曰
臣聞之欲富國者務廣其地欲強兵者務富其民
欲王者務博其德三資者備而王隨之矣今王地
小民貧故臣願先從事于易夫蜀戎狄之長也有
桀紂之亂以秦攻之譬如使豺狼逐羣羊也拔一
國而天下不以爲暴利盡四海而天下不以爲貪
是我一舉而名實兩附也又有禁暴止亂之名今
攻韓劫天子惡名也周自知失九鼎韓自知亡三

川將二國併力合謀以求救乎齊趙而求解乎楚
魏王勿能止也此臣之所以危也不如伐蜀王曰
善卒起兵伐蜀十月取之貶蜀王更號爲侯而使
陳莊相蜀蜀旣屬秦秦益強漢高帝六年分蜀置
廣漢郡初有漢中廣漢巴蜀四郡武帝元鼎中遣
唐蒙畧通西南夷更置犍爲牂柯越巂益州四郡
因分雍州之南置益州統焉釋名益阨也其所在
之地險阨也應劭地理風俗記云疆壤益廣故名
益州王莽改益州曰庸部後漢明帝永平十二年
以新附置永昌郡續漢書郡國志益州部漢中巴

廣漢蜀犍為越巂牂柯益州永昌凡九郡靈帝又
 以汶江蠶陵廣柔三縣立汶山郡蜀志靈帝時太
 常劉焉出為監軍使者領益州牧初焉建議樹牧
 伯以鎮安方夏內求交趾牧欲避世難侍中廣漢
 董扶私謂焉曰益州分野有天子氣焉意更在益
 州譙周巴志云獻帝初平元年劉璋分巴郡立永
 寧郡建安六年立涪陵郡二十一年劉備分巴郡
 立固陵郡蜀章武元年分廣漢立梓潼郡分犍為
 立江陽郡以蜀郡屬國為漢嘉郡以犍為屬國為
 朱提郡劉禪建興二年改益州郡為建寧郡廣漢

屬國爲陰平郡分建寧永昌立雲南郡分建寧牂
柯立興古郡分廣漢立東廣漢郡至是益州所部
十有九郡晉惠帝光熙元年李雄攻成都遂自立
十六國春秋曰李雄定成都嚴檉爲蜀郡太守雄
卽王位遷益州刺史是也又分漢嘉蜀二郡之地
立沈黎漢原二郡穆帝永和三年平蜀之後省沈
黎漢原二郡又立南陰平郡改漢原爲晉興郡簡
文帝咸安二年苻堅遣鄧羌楊安等伐蜀益州諸
郡並沒于秦十二年孝武帝太元八年平蜀州郡
咸復舊周地圖記云梁大寶三年武陵王蕭紀僭

號于蜀西魏廢帝二年平蜀二十一州並入于魏
隋圖經云仁壽三年分九隴郫孝水三縣為濛州
玄武綿竹金水飛鳥四縣為凱州陽安平泉二縣
及資州資陽為簡州煬帝大業二年並從廢省來
屬益州蜀中舊無兔鴿隋開皇元年蜀王楊秀鎮
益州命左右齎往鴿尚稀而兔已眾矣唐武德元
年改為益州置總管府管益綿陵遂資邛雅嘉眉
瀘戎會松翼檜南寧昆恭十九州領成都雒九隴
郫雙流新津晉原青城陽安金水平泉玄武綿竹
等十三縣又置唐隆導江二縣二年分置邛眉普

榮登五州屬總管府又置新都什邡音方二縣三年
罷總管置西南道行臺仍分綿竹導江九隴三縣
立濠州陽安金水平泉三縣立簡州割玄武屬梓
州又析置德陽新繁萬春三縣九年罷行臺置都
督府督益綿簡嘉陵雅眉濠犍邛十州并督雋南
會寧都督府貞觀二年廢濠犍二州復以濠州之
九隴綿竹導江來屬仍改萬春爲溫江六年罷南
寧都督更置戎州都督屬益州八年兼領南金州
都督十年又督益綿嘉簡陵雅眉邛八州茂禱二
都督十七年置蜀縣龍朔二年升爲大都督府仍

置廣都縣咸亨二年置金堂儀鳳二縣其年又置
唐昌濛陽二縣垂拱三年分雒九隴等十三縣置
彭蜀二州其年又置犀浦縣聖曆三年又置東陽
縣天寶元年改益州爲蜀郡依舊大都督府管劍
南三十八郡十五載玄宗幸蜀駐蹕成都至德二
年十月駕還西京改蜀郡爲成都府長史爲尹又
分爲劍南東川西川各置節度使廣德元年黃門
侍郎嚴武爲成都尹復併東西二川爲一節度自
崔寧鎮蜀後分爲西川自後不改皇朝因之爲成
都府

領縣十

成都 華陽 郫縣 新都 溫江 新繁 雙

流 犀浦 廣都 靈池

州境

東西一百五十三里 南北一百七十七里

四至八到

東北至東京三千二百九十里

東北至西京二千八百七十里

東北至長安二千一十里

東至簡州七十里

南至眉陵二州二百里

西至彭州導江縣界八十七里

北至漢州一百里

東南至簡州一百五十里

西南至蜀州一百里

西南至邛州一百六十里

西北至彭州九隴縣界七十五里

東北至漢州一百里

戶

漢朝蜀郡戶二十六萬八千

唐天寶戶一十六萬九百五十

皇朝戶主八萬九千四百三十八客四萬二千四百四十

風俗

蜀記云剛悍生其方風謠尙其文漢書云人食稻魚俗不愁苦而輕易淫泆然地沃人驕奢侈頗異人情物態別是一方

姓氏

雲陽郡三姓 委 言 幸

人物

司馬相如成都人

李宏字仲元，賢人也。不夷不惠，居乎可否之間。此揚雄之言也。

張寬字叔文，成都人。從駕至渭橋，在帝後第也。七車見女子浴乳，長七尺，知是天心主

祭祀三齋潔則見何武字君公，郫人。御史大夫揚雄蜀郡成

景毅字文堅，蜀郡人姜詩雒人，母好生魚，有湧泉出舍

時母食須隣母同食故云二母王恂字少林，新都人任安字定祖，綿

不起時人稱曰任夫子郭喬卿雒人，為荆王阜成都人，為重泉

令有鸞鳥集于學宮闕門遷益州太守有神馬出滇池河白鳥見張霸字伯饒，數歲知

孝養號張曾子七歲通春秋張楷即霸子，隱華陰翟酺字

超維人也，著李尤字伯仁，雒人。文華見稱賈逵

秦宓綿竹人禽堅字孟由，成都人。生而失父，及

外經六年乃遇

唐朱桃椎 成都人號

袁天罡 成都人

李白

字太白蜀郡人母娠時夢長庚星幼名長庚立就官翰林供奉

坐以七寶牀援筆

土產

按十道志云巴蜀土地肥美有江水沃野山林竹

木蔬食果實之饒橘柚之園郊野之富號為近蜀

丹青文采家有鹽泉之井戶有橘柚之園紙維十

色竹有九種

邛竹

蒟醬

如今之

又郡國

志嘉魚

細鱗似鱒魚蜀中謂之拙魚蜀郡山中處處有之每年春從石穴出大者長五六尺

本草菜部苦茶

一名選一名游冬生益州川谷凌冬不死三月三日採乾為飲